

23/06/1998

30 peratus tugas pembuat dasar untuk wanita

PERHIMPUNAN Pemuda/Wanita Umno ke-49 berlangsung Khamis lalu dan keesokkannya pula perasmian Perhimpunan Agung Umno oleh Perdana Menteri, Datuk Seri Dr Mahathir Mohamad.

Dalam Perhimpunan Wanita, Ketua Pergerakan Wanita Umno, Datuk Dr Siti Zaharah Sulaiman sekali lagi membangkitkan isu menggerakkan semua jentera bagi memastikan matlamat penguasaan 30 peratus kalangan wanita dalam bidang tugas pembuat dasar dan keputusan di negara ini tercapai menjelang tahun 2005.

Dr Siti Zaharah juga berkata pergerakan itu menubuhkan audit khas bagi memastikan semua pihak bertanggungjawab melaksanakan program memastikan lebih ramai wanita dilantik sebagai pembuat dasar.

Beliau juga menyarankan supaya satu konglomerat diwujudkan bagi menggembleng dana yang membolehkan wanita negara ini mengambil pegangan ekuiti dalam beberapa perusahaan yang strategik dan berkepentingan negara.

Sementara wakil Sabah, Anisah Salleh pula meminta Wanita Umno merapatkan barisan dan bertindak sebagai satu gagasan negara yang proaktif bagi menangani apa jua masalah dan cabaran globalisasi masa kini.

(END)